



ADMINISTRACIÓN LOCAL

MUNICIPAL

CEE

Aprobación definitiva da Ordenanza municipal reguladora da expedición das tarxetas de estacionamento para persoas con discapacidade, que presenten mobilidade reducida do Concello de Cee. EXPTE. 2025/G013/000002

ANUNCIO

O Pleno do Concello de Cee, na sesión ordinaria realizada o día 28 de novembro de 2025, acordou a aprobación inicial da Ordenanza municipal reguladora da expedición das tarxetas de estacionamento para persoas con discapacidade, que presenten mobilidade reducida do Concello de Cee.

O devandito acordo de aprobación inicial someteuse ao trámite de información pública e audiencia dos interesados, con publicación no Boletín Oficial da Provincia e no taboleiro de anuncios do Concello, polo prazo de trinta días para que puidesen examinar o expediente e presentar reclamacións ou suxestións, que serían resoltas pola Pleno da Corporación se as houbese.

No período de exposición pública do acordo da aprobación inicial da Ordenanza non se presentaron reclamacións nin suxestións, polo que se considera aprobada definitivamente a devandita Ordenanza sen necesidade de acordo expreso polo Pleno.

Publícase, deseguido, o texto íntegro da Ordenanza municipal reguladora da expedición das tarxetas de estacionamento para persoas con discapacidade, que presenten mobilidade reducida do Concello de Cee, para os efectos da súa entrada en vigor:

ORDENANZA MUNICIPAL REGULADORA DA EXPEDICIÓN DAS TARXETAS DE ESTACIONAMENTO PARA PERSOAS CON DISCAPACIDADE QUE PRESENTEN MOBILIDADE REDUCIDA DO CONCELLO DE CEE

EXPEDIENTE Nº 2025/G013/000002

Artigo 1.-Obxecto.

Esta ordenanza ten por obxecto regular a nivel municipal a expedición das tarxetas de estacionamento de vehículos, segundo o establecido na Lei 10/2014, do 3 de decembro, de accesibilidade e no Real Decreto 1056/2014, do 12 de decembro, polo que se regulan as condicións básicas de emisión e uso da tarxeta de estacionamento para persoas con discapacidade que presenten mobilidade ou visión reducida do Concello de Cee.

Artigo 2.-Definición da tarxeta de estacionamento de vehículos automóbiles para persoas con discapacidade que presenten mobilidade reducida.

A tarxeta de estacionamento de vehículos automóbiles para persoas con discapacidade que presenten mobilidade reducida, en adiante, tarxeta de estacionamento, é un documento público acreditativo do dereito das persoas que cumpran os requisitos previstos nesta ordenanza, para estacionar os vehículos automóbiles nos que se despracen o máis preto posible do lugar de acceso ou destino.

Artigo 3.-Titulares do dereito a obter a tarxeta de estacionamento.

C. As tarxetas de estacionamento e de persoas usuarias poderán ser solicitadas polas persoas empadroadas no Concello de Cee, que teñan recoñecida mobilidade reducida polo Equipo de Valoración e Orientación (EVO), dependente da sección de cualificación e valoración de discapacidade da Xunta de Galicia, ou que teñan recoñecida unha discapacidade visual que implique un grao das limitacións na actividade igual ou superior ao 75%.

2. Con carácter excepcional, as persoas que presenten mobilidade reducida, aínda que non fora ditaminada oficialmente, por causa de enfermidade ou patoloxía de extrema gravidade que supoña de forma fiable unha redución substancial da esperanza de vida, dentro da media da poboación de similares características, e que polo tanto impida tramitar en tempo a solicitude ordinaria da tarxeta de estacionamento, poderán solicitar unha tarxeta de estacionamento provisional. Para a obtención da tarxeta de estacionamento provisional, a acreditación dos extremos citados efectuarase mediante certificado do persoal médico dos servizos públicos de saúde, validado pola inspección dos servizos sanitarios competentes por razón de domicilio da persoa solicitante.

3. Poderán así mesmo, obter a tarxeta de estacionamento as persoas físicas ou xurídicas titulares de vehículos destinados exclusivamente ao transporte colectivo de persoas con discapacidade que presten servizos sociais de promoción da autonomía persoal e atención á dependencia a que se refire a Lei 39/2006, do 14 decembro, de promoción da autonomía persoal e atención ás persoas en situación de dependencia, así como cos servizos sociais aos que se refire o texto refundido da Lei Xeral de Dereitos das persoas con discapacidade e da súa inclusión social, aprobada polo Real Decreto Lexislativo 1/2013, do 29 de novembro.

Artigo 4. Ámbito territorial da tarxeta de estacionamento.

As tarxetas de estacionamento concedidas polo Concello de Cee terán validez en todo o territorio español sen prexuízo do seu emprego nos Estados membros da Unión Europea, nos termos que os respectivos órganos competentes teñan establecido en materia de ordenación e circulación de vehículos.

Artigo 5.-Condicións de uso.

1. A tarxeta de estacionamento expedida a favor e en beneficio dunha persoa a título particular para a súa utilización nos vehículos que se empreguen para o seu desprazamento será persoal e intransferible e empregada unicamente cando a persoa titular conduza o vehículo ou sexa transportada nel.

2. A tarxeta de estacionamento expedida a favor de persoa física ou xurídica a que se refire o artigo 3.3, será persoal e intransferible, estará vinculada a un número de matrícula do vehículo destinado exclusivamente ao transporte colectivo de persoas con mobilidade reducida e será eficaz unicamente cando o vehículo transporte de forma efectiva a persoa que se atopen en algunha das situacións recollidas no artigo 3.1.

3. O emprego da tarxeta de estacionamento estará subordinado a que a persoa titular manteña os requisitos esixidos no seu outorgamento.

4. A tarxeta de estacionamento debера colocarse de xeito visible dende fora no cristal dianteiro do automóbil. Debe ser o documento orixinal.

5. A posesión da tarxeta de estacionamento en ningún caso supoñerá autorización para estacionar en zonas peonís, en pasos peonís, en lugar e supostos nos que estea prohibido parar, lugares que obstrúan os vaos ou saídas de emerxencia, zonas acoutadas por razón de seguridade pública e espazos que reduzan carrís de circulación.

Artigo 6.-Dereitos das persoas titulares.

C. As persoas titulares da tarxeta de estacionamento de vehículos beneficiaranse das seguintes facilidades:

- a) Estacionamento nos lugares habilitados para as persoas con discapacidade.
- b) Ampliación do tempo de estacionamento nas zoas de aparcamento de tempo limitado cando así este contemplado.
- c) Parada ou estacionamento nas zonas reservadas para carga e descarga, nos termos establecidos pola administración local, sempre que non se ocasionen prexuízos aos peóns ou ao tráfico.
- d) Parada en calquera lugar da vía, por motivos xustificados e polo tempo indispensable, sempre que non se ocasionen prexuízos aos peóns ou ao tráfico e atendendo ás normas do código de circulación vixente.
- e) Acceso a vías, áreas ou espazos urbanos con circulación restrinxida a residentes sempre que o destino atópese no interior desa zona.

Artigo 7.-Obrigas das persoas titulares da tarxeta de estacionamento.

1. A persoa titular da tarxeta de estacionamento está obrigado a:

- a) Emprego correcto da mesma, conforme as condicións recollidas na presente ordenanza reguladora.
- b) Colocar a tarxeta de estacionamento no cadro de mandos ou adherila no parabrisas dianteiro polo interior, sempre co documento orixinal, de xeito que resulte claramente visible e lexible dende o exterior.
- c) Identificarse cando así o requira un axente da autoridade, acreditando a súa identidade co Documento Nacional de Identidade, tarxeta de residencia ou calquera outro documento oficial identificativo. Os menores de 14 anos poderán acreditar a súa identidade mediante a exhibición do certificado de recoñecemento do grao de discapacidade.
- d) Colaborar cos axentes da autoridade para evitar, no maior grao posible, os problemas de tráfico que se puideran ocasionar ao exercer os dereitos que lles confire o emprego da tarxeta de estacionamento.
- e) Devolver a tarxeta de estacionamento caducada no momento da renovación ou ao remate da súa vixencia.
- f) No caso de subtracción, perda ou deterioro a persoa titular ou representante legal, deberá solicitar novamente a expedición da tarxeta quedando suspendidos temporalmente os dereitos inherentes á mesma.

g) As persoas titulares ou representantes legais, no seu caso, deberán comunicar ao Concello de Cee calquera modificación das condicións que deron lugar á concesión da tarxeta. Esta comunicación farase por escrito que deberá presentarse no rexistro municipal no prazo de 15 días.

h) No caso de falecemento da persoas solicitante a presente tarxeta quedará sen efectos, debendo depositarse nas dependencias municipais.

C. O incumprimento destas obrigas poderá dar lugar á cancelación da tarxeta de estacionamento ou a súa retirada temporal.

Artigo 8.-Solicitude de tarxeta de estacionamento.

A persoa interesada ou representante legal ou gardador/a de feito no seu caso, deberá presentar a seguinte documentación:

1. Modelo de instancia segundo o anexo I.
2. No caso de que a persoa solicitante sexa menor de idade:
 - a) Libro de familia ou documento equivalente.
 - b) Sentencia de nulidade, separación ou divorcio e do convenio regulador, de ser o caso.
 - c) Documentación acreditativa da identidade da persoa que actúa como representante legal do/a menor.
- C. Unha fotografía tamaño carné.
4. Certificado de discapacidade ou informe do Equipo de Valoración e Orientación (EVO).

Artigo 9.-Solicitude da tarxeta de estacionamento provisional para persoas con discapacidade que presenten mobilidade reducida.

A persoa interesada ou representante legal ou gardador/a de feito no seu caso, deberá presentar a seguinte documentación:

1. Modelo de instancia segundo anexo I
2. Certificado médico facultativo dos servizos públicos de saúde, validado pola inspección dos servizos sanitarios en lugar do certificado de discapacidade.
3. No caso de que a persoa solicitante sexa menor de idade:
 - a) Libro de familia ou documento equivalente.
 - b) Sentencia de nulidade, separación ou divorcio e do convenio regulador, de ser o caso.
 - c) Documentación acreditativa da identidade da persoa que actúa como representante legal do/a menor.
4. Unha fotografía tamaño carné.

Artigo 10.-Solicitude da tarxeta de estacionamento de vehículos para persoas físicas ou xurídicas para o transporte de persoas con discapacidade que presenten mobilidade reducida.

A persoa interesada ou representante legal, no seu caso, deberá presentar a seguinte documentación:

1. Modelo de instancias segundo o anexo I.
2. Documentación do vehículo habilitado para transportar as persoas con discapacidade que presenten problemas de mobilidade, dado que, a tarxeta deberá incluír a matrícula ou matrículas dos citados vehículos.
3. Escritura de constitución da sociedade ou estatutos.
4. Certificado de residencial fiscal da persoa física ou xurídica solicitante.

Artigo 11.-Competencia.

A alcaldía será o órgano competente para ditar a resolución da concesión ou denegación da tarxeta de estacionamento de vehículos e da tarxeta de estacionamento, así como a potestade sancionadora neste ámbito, quen poderá delegar nun/ha concelleiro/a.

Artigo 12.-Procedemento e trámite.

1. O procedemento de concesión das tarxetas de estacionamento comprenderá os seguintes trámites:
 - a) O expediente iniciárase a instancia da persoa interesada, ou representante legal no seu caso, mediante impreso normalizado que, unha vez cumprimentado, poderá se presentado no rexistro xeral do Concello da Cee ou por calquera medio recollido na Lei 39/2015, do 1 de outubro, de Procedemento Administrativo Común das Administracións Públicas.

b) O persoal do departamento de servizos sociais comprobará que a persoa solicitante reúne os requisitos establecidos na presente ordenanza e normativa de aplicación, requirindo en caso contrario á persoa interesada para que no prazo de 10 días aporte a falta ou acompañe os documentos preceptivos. En caso contrario teráselle por desestimado a súa petición.

c) Unha vez comprobado polo persoal do departamento de servizos sociais que o expediente reúne os requisitos esixidos, emitírase un informe de valoración.

d) A solicitude formulada pola persoa interesada, ou representante legal no seu caso, xunto co informe emitido polo persoal técnico/a dos servizos sociais, elevarase ao órgano competente, quen ditará unha resolución ó respecto no prazo máximo de 6 meses dende a recepción da solicitude. Transcorrido dito prazo sen ter ditado resolución expresa, poderase entender desestimada a solicitude, sen prexuízo da obriga legal de resolver polo órgano competente.

e) A resolución adoptada, debidamente motivada, será notificada a persoa solicitante ou representante legal que figure no expediente aos efectos de notificación, conforme ao establecido na Lei 39/2015, do 1 de outubro, de Procedemento Administrativo Común das Administracións Públicas.

f) A resolución, que pon fin á vía administrativa, poderá ser recorrida potestativamente en reposición no prazo dun mes, conforme ao establecido na Lei 39/2015, do 1 de outubro, de Procedemento Administrativo Común das Administracións Públicas, ou ser impugnada directamente ante o órgano xurisdiccional contencioso-administrativo no prazo de dous meses. Non se poderá interpoñer recurso contencioso-administrativo ata que se resolva expresamente ou se produza a desestimación presunta do recurso de reposición interposto.

g) Unha vez resolta a solicitude de xeito favorable, o Concello de Cee expedirá a correspondente tarxeta, e fará entrega da mesma de xeito gratuíto. A persoa beneficiaria asinará o documento de ter recibido a tarxeta xunto coa información das condicións de uso, segundo o establecido no anexo II.

2. Nas situacións nas que a persoa con discapacidade presente un certificado no que non se recollan explicitamente dificultades para o uso do transporte colectivo, ou unha discapacidade visual que implique un grao de limitacións na actividade igual ou superior ao 75 %, o Concello remitirá copia da solicitude ao EVO, solicitando que informe sobre estas cuestións. O informe emitido será vinculante para a concesión ou denegación da tarxeta solicitada.

Artigo 13.-Vixencia.

1. Nos casos de que a persoa solicitante teña recoñecida unha cualificación de discapacidade de carácter permanente, as tarxetas caducarán aos 10 anos da súa emisión.

2. Nos casos de que a persoa solicitante teña recoñecida unha discapacidade temporal, as tarxetas caducarán cando finalice o prazo que indique o certificado de discapacidade.

3. No suposto de que a administración competente non revisara o grao de discapacidade en prazo, por causas alleas á persoa interesada, manterase o grao de discapacidade ata que haxa unha nova resolución, e por tanto deixará sen efectos a presente certificación (art.12.4 do Real Decreto 888/2022, do 18 de outubro, polo que se establece o procedemento para o recoñecemento, declaración e cualificación do grao de discapacidade). Nesta situación emitírase unha tarxeta provisional polo prazo dun ano, mentres o EVO non revise de oficio o grao e emita unha nova resolución.

4. No caso de tarxetas de estacionamento provisional e tarxetas de estacionamento de vehículos para persoas físicas e xurídicas para o transporte de persoas con mobilidade reducida, terán unha vixencia máxima dun ano, podendo prorrogarse por un período igual sempre que se manteñan as condicións iniciais requiridas para o seu outorgamento

Artigo 14.-Renovación.

1. No caso da tarxeta de estacionamento, da tarxeta de persoa usuaria e da tarxeta de estacionamento provisional, a renovación leva implícita o cumprimento dos requisitos establecidos no artigo 3 da presente ordenanza.

2. A renovación para as persoas solicitantes que teñan recoñecida unha discapacidade permanente será por dez anos. No caso de persoas con ditame de discapacidade temporal, a renovación esixirá por parte da persoa interesada, un novo ditame de mobilidade en base ao recollido no artigo 3.

3. No momento da renovación a persoa solicitante deberá presentar no rexistro xeral a seguinte documentación:

a) Solicitude normalizada segundo anexo.

b) Certificado de discapacidade ou informe do Equipo de Valoración e Orientación (EVO), para o caso de renovación de tarxetas de estacionamento de persoas con ditame de mobilidade temporal.

c) Unha fotografía tamaño carné para as persoas que soliciten as tarxetas descritas nos dous primeiros puntos do artigo 3.

4. A persoa poderá pedir a renovación cun mes de antelación á data de caducidade, aos efectos de dispor da nova tarxeta á data de finalización da anterior.

5. En todo caso, a entrega da nova tarxeta implica a retirada da anterior.

6. A renovación da tarxeta pode producirse por subtracción, perda ou deterioro. No caso de subtracción ou perda, esixirá a presentación da xustificación da correspondente denuncia. No caso de deterioro a persoa interesada deberá presentar a tarxeta deteriorada. O Concello emitirá a nova tarxeta coa mesma data de caducidade que a anterior.

Artigo 15.-Infraccións e sancións.

No suposto de que se detecte o uso indebido da tarxeta de estacionamento de maneira reiterada e debidamente probada, a citada tarxeta será retirada temporalmente polo órgano que a outorgase, debendo o interesado volver a iniciar o procedemento para unha nova expedición. En todo caso, darase traslado da oportuna á comisión técnica de accesibilidade segundo o establecido no artigo 70 da Lei 10/2014, do 3 de decembro de accesibilidade.

Disposición adicional

As tarxetas axustaranse ás características sinaladas na normativa de aplicación vixente no momento de expedición da tarxeta.

Disposición transitoria

Primeira.-A presente ordenanza entrará en vigor ao día seguinte da publicación integra do texto no Boletín Oficial da Provincia e conforme ao disposto no artigo 70.2. da Lei 7/1985, do 2 de abril, reguladora das bases de réxime local.

ANEXO I

SOLICITUDE DE TARXETA DE ESTACIONAMENTO DE VEHÍCULOS

APELIDOS E NOME:		DNI:
ENDEREZO COMPLETO:		
CONCELLO:	C.P.:	
TELÉFONO:	CORREO ELECTRÓNICO:	

E NA SÚA REPRESENTACIÓN (debe acreditarse a representación fideligna por calquera medio válido de dereito)

APELIDOS E NOME:		DNI:
ENDEREZO COMPLETO:		
CONCELLO:	C.P.:	
TELÉFONO:	CORREO ELECTRÓNICO:	
En calidade de		

FEITOS RAZOADOS: son residente e están empadroados/a no Concello de Cee.

- ☐ Considero que reúno tódolos requisitos establecidos na presente ordenanza aos efectos de ser titular da tarxeta de estacionamento de vehículos de persoas con discapacidade que presenten mobilidade reducida.
- ☐ Considero que reúno tódolos requisitos establecidos na presente ordenanza aos efectos de ser titular da tarxeta de estacionamento **provisional** de vehículos de persoas con discapacidade que presenten mobilidade reducida.
- ☐ Considero que reúno tódolos requisitos establecidos na normativa vixente aos efectos de ser titular da tarxeta de estacionamento de vehículos, habilitado para transportar ás persoas con discapacidade que presenten problemas de mobilidade.

SOLICITO:

Que se me conceda a tarxeta de estacionamento correspondente.

Achego a seguinte documentación:

--

Cee,de20.....

Asdo

ALCALDÍA OU CONCELLERÍA DELEGADA CONCELLO DE CEE

ANEXO II**XUSTIFICANTE DE ENTREGA**

EXPEDIENTE NÚMERO:

En data recibo a tarxeta que se sinala:

- ☐ Tarxeta de estacionamento de vehículos para persoas con discapacidade que presenten mobilidade reducida.
- ☐ Tarxeta de estacionamento **provisional** de vehículos para persoas con discapacidade que presenten mobilidade reducida.
- ☐ Tarxeta de estacionamento de vehículos para persoas físicas ou xurídicas para o transporte de persoas con discapacidade que presenten mobilidade reducida.

E declaro que fun informado/a dos dereitos, obrigas e condicións de uso contempladas na Ordenanza reguladora do Concello de Cee nos artigos 5,6 e 7, así como as infraccións e sancións recollidas no artigo número 15 da mesma.

Asinado:

Cee, de de 20....

En Cee, o 26 de xaneiro de 2026

Alcaldesa do Concello de Cee

Margarita Lamela Louzán

2026/446